

3. gr.

Eftirlitsgjaldið skal greiða til dóms- og kirkjumálaráðuneytisins fyrir 15. október 1966.

Gjaldið er lögtakskræft.

Reglugerð þessi, sem sett er samkvæmt heimild í 47. gr. lyfsalalaga nr. 30 29. apríl 1963, öðlast gildi þegar í stað.

Í dóms- og kirkjumálaráðuneytinu, 2. ágúst 1966.

Jóhann Hafstein.

Jón Thors.

AUGLÝSING

um viðauka og breytingar nr. 2 við sérlyfjaskrá frá 30. september 1965.

Frá og með 15. ágúst 1966 gengur í gildi viðauki og breytingar nr. 2, útgefnar í dag, við sérlyfjaskrá frá 30. september 1965.

Í dóms- og kirkjumálaráðuneytinu, 4. ágúst 1966.

F. h. r.

Baldur Möller.

Jón Thors.

REGLUGERÐ

um afgreiðslutíma lyfjabúða.

1. gr.

Lyfjabúðir skulu vera opnar, sem hér segir:

I. Almennur afgreiðslutími skal vera, sem hér segir:

mánudaga—fimmtudaga	kl. 9—18
föstudaga	— 9—19
laugardaga	— 9—12
aðfangadag og gamlársdag	— 9—12

Í desember er lyfjabúðum heimilt að hafa opið umfram almennan afgreiðslutíma á sama hátt og almennar verzlanir á hverjum stað.

II. Lyfjabúðir í Reykjavík skulu auk framangreinds afgreiðslutíma vera opnar tvær saman eina viku í senn, sem hér segir:

mánudaga—fimmtudaga	kl. 18—21
föstudaga	— 19—21
laugardaga	— 12—16
helgidaga og almenna fridaga	— 10—16
aðfangadag og gamlársdag	— 12—16

Nánari reglur um skiptingu þessa afgreiðslutíma milli lyfjabúða setur landlæknir að fengnum tillögum Apótekarafélags Íslands.

- III. Fyrir Reykjavíkur-, Kópavogs- og Hafnarfjarðarlæknishéruð skal vera ein næturvarzla til afgreiðslu lyfja, sem sé rekin í sérstöku húsnæði og ávallt á sama stað. Lyfsalar í þessum héruðum skulu sjá um rekstur slíkrar næturvörzlu eftir nánari reglum, sem landlæknir setur að fengnum tillögum Apótekarafélags Íslands.

Á næturvörzlustað skulu einungis vera til afgreiðslu þau lyf, sem nauðsynleg eru talin og samkomulag verður um milli Apótekarafélags Íslands og Félags heimilislækna innan Læknafélags Reykjavíkur. Þó er næturvörzlu skylt að útvega, ef varðlæknir telur nauðsynlegt, nauðsynleg lyf beint frá lyfjabúð. Næturvarzla skal vera opin, sem hér segir:

mánudaga—föstudaga	kl. 21—9 næsta morgun
laugardaga	— 16—10 — —
helgidaga og almenna frídaga	— 16—10 — —
aðfangadag og gamlársdag	— 16—10 — —

- IV. Auk hins almenna afgreiðslutíma samkv. I. skulu eftirtaldar lyfjabúðir vera opnar til afgreiðslu, sem hér segir:

Akranes Apótek.

Hafnarfjarðar Apótek.

Ísafjarðar Apótek.

Keflavíkur Apótek.

Kópavogs Apótek.

Selfoss Apótek.

Siglufjarðar Apótek.

Vestmannaeyja Apótek.

mánudaga—föstudaga

kl. 18—19

laugardaga

— 12—14

helgidaga og almenna frídaga

— 2 klst.

aðfangadag og gamlársdag

— 12—14

- V. Takmörkun á afgreiðslutíma eftirtalinna lyfjabúða samkv. I. og IV. er heimil að fengnu leyfi landlæknis:

Ísafjarðar Apótek.

Selfoss Apótek.

Siglufjarðar Apótek.

- VI. Á hinum almenna afgreiðslutíma samkv. I. er eftirtöldum lyfjabúðum heimilt að loka, sem hér segir:

mánudaga—föstudaga

kl. 12—13

Apótek Neskaupstaðar.

Borgarness Apótek.

Dalvíkur Apótek.

Húsavíkur Apótek.

Sauðárkróks Apótek.

Seyðisfjarðar Apótek.

Stykkishólms Apótek.

- VII. Lyfjabúðir í Akureyrarlæknishéraði skulu, auk hins almenna afgreiðslutíma samkv. I., vera opnar til skiptis eina viku í senn, sem hér segir:

mánudaga—fimmtudaga

kl. 18—22

föstudaga

— 19—22

laugardaga

— 12—16 og 20—21

helgidaga og almenna frídaga

— 10—12, 15—17 og 20—21

aðfangadag og gamlársdag

— 12—16 og 20—21

Einnig skulu lyfjabúðirnar annast neyðarvakt (kallvakt) að næturlagi á þeim

tíma, sem ekki er opið samkvæmt framangreindu, og skulu þær annast þessa neyðarvakt til skiptis, viku í senn.

2. gr.

Lyfjabúðir, sem taldar eru í 1. gr. IV. og VI. skulu í samráði við viðkomandi sjúkrasamlög sjá næturlækni fyrir nauðsynlegum forða lyfja til notkunar í bráðri nauðsyn.

3. gr.

Afgreiðslutími lyfjabúðarinnar skal auglýstur í henni og þar sem lyfjabúðir skiptast á um afgreiðslu utan almenns afgreiðslutíma, skulu þær, sem lokaðar eru, auglýsa á útidyrum, hvaða lyfjabúð/búðir eru opnar.

4. gr.

Lyfjabúð, sem annast neyðarvakt (kallvakt), skal auglýsa á útidyrum heimilisfang og símanúmer lyfjafræðings þess, sem vakt hefur á hendi. Sömu upplýsingar skal láta í té í daglegu símanúmeri lyfjabúðarinnar.

5. gr.

Fyrir afgreiðslu utan hins almenna afgreiðslutíma samkv. 1. gr. I. skal greiða sérstakt gjald, sem kveðið skal á um í lyfjaverðskrá. Slíkt afgreiðslugjald skal auglýst á áberandi stað í lyfjabúðinni.

6. gr.

Reglugerð þessi, sem sett er samkvæmt 38. gr. lyfsönlulaga nr. 30 29. apríl 1963, öðlast gildi 20. ágúst 1966.

Í dóms- og kirkjumálaráðuneytinu, 10. ágúst 1966.

Jóhann Hafstein.

Baldur Möller.

AUGLÝSING

um umferð í Reykjavík.

Að fengnum tillögum borgarstjórnar Reykjavíkur hafa verið settar eftirfarandi reglur um umferð samkvæmt heimild í 65. gr. umferðarlaga nr. 26 frá 2. maí 1958:

Bifreiðastöður eru bannaðar á Eskihlíð að norðaustanverðu á götunni og á Freyjugötu að norðaustanverðu frá barnaleikvelli að Njarðargötu á tímabilinu frá kl. 9 til kl. 19 daglega.

Auglýsing frá 14. nóvember 1963, varðandi bifreiðastöðubann á Eskihlíð, er felld úr gildi, svo og auglýsing frá 8. marz 1966, hvað snertir bifreiðastöðubann á Freyjugötu.

Lögreglustjórinn í Reykjavík, 16. ágúst 1966.

Sigurjón Sigurðsson.